


Mahere Aromatawai – 2013**Te Hiranga Reo Māori (93003)****Wāhanga 1: Pānui / Tuhituhi**

Ngā Whakawātanga	Kaute Tōpū
(t) Ka whakatūhono te kōrero: ko te tuitui i ngā pūkenga, i ngā mōhio, i ngā wheako e whakatau ai i te puawaitanga o ōna whakaaro. Ka whakatau ngā whakaaro tika, whakaaro kē, whakaaro ahurei, whakaaro motuhake. Ko te takune o tāna i whakaaro ai, i mārama ai, he wairua Māori tōna. Mārama pai tāna i panui ai, ki tāna hoki i whakarāpopoto ai.	7–8
(r) E tika ana hoki te whakamahi i nga kupu hou, ngā hanga kōrero, pērā ki ngā kiwaha, whakatauāki, whakataukī. Ka whakamahi te reo me ōna tikanga: ko te “tikanga” e kōrerohia nei, ko ngā tumomo āhuatanga o te reo, ngā ture, ngā karawatanga, ngā whakatakotoranga. E kaha ana te whakatakoto taunaki hei whakatau tika i tāna i whakatau ai.	7–8
(k) Ka whakamahi i tētahi tuhituhi whai hua ahakoa tōna momo, kua raupapa tika nei ngā whakaaro. Ka whakamahi i ngā āhuatanga o ngā tautohe whakapakepake, whakawhere.	7–8
(t) Ka whakatūhono te kōrero i te nuinga o te wā: ko te tuitui i ngā pūkenga, i ngā mōhio, i ngā wheako kia pai ai te whakatau i te puawaitanga o ōna whakaaro. Ka whakatau ngā whakaaro whānui, whakaaro whāiti, whakaaro motuhake. He wairua Māori tōna i ētahi wā. E mōhio pai ana ki tāna i pānui ai, ki tāna hoki i whakarāpopoto ai.	5–6
(r) Ka whakamahi i ngā kupu hou, ngā hanga kōrero: pērā ki ngā kiwaha, whakatauāki, whakataukī. I te nuinga o te wā ka whakamahi i te reo me ōna tikanga: ko te “tikanga” e kōrerohia nei, ko ngā tumomo āhuatanga o te reo – ngā ture, ngā karawatanga, ngā whakatakotoranga. Ka whakatakoto i ētahi wā he taunaki hei whakatau tika i tāna i whakatau ai.	5–6
(k) Ko te nuinga o te tuhituhi ka whai hua. Kua raupapa tika nei ngā whakaaro; ka whakamahi ētahi āhuatanga o ngā tautohe whakapakepake, whakawhere.	5–6
(t) Kua tika ētahi o ngā hanga kōrero. Ka whakamahi i ētahi pūkenga whakawhānui, whakawhāiti whakaaro. E mōhio ana ki tāna i pānui ai, ki tāna hoki i whakarāpopoto ai i ētahi wā.	3–4
(r) Kua timata te whakamahi i ngā kupu hou, ngā hanga kōrero, kiwaha, whakatauāki, whakataukī. I ētahi wā ka whakamahi te reo me ōna tikanga: ko te “tikanga” e kōrerohia nei, ko ngā tumomo āhuatanga o te reo – ngā ture, ngā karawatanga, ngā whakatakotoranga. Ka whakatakoto taunaki i ētahi wā hei whakatau i tāna i whakatau ai.	3–4
(k) Ka hāngai ētahi o ngā kōrero ki te kaupapa, ā, kua raupapa tika ētahi o ngā whakaaro.	3–4
Kāore anō kia whakaaro whānui ki tāna i tuhi ai. He nui ngā hapa, kāore hoki i raupapa tika.	2
Kāore he paku taunaki, kaore hoki he wairua Māori. Kāore he whakapātanga ki te kaupapa.	1
Korekau he hua.	0

Wāhanga 2: Whakarongo / Kōrero

Ngā Whakawātanga	Kaute Tōpū
(t) Ka whakatūhono te kōrero: ko te tuitui i ngā pūkenga, i ngā mōhio, i ngā wheako kia pai ai te whakaatu i te puawaitanga o ōna whakaaro. Ka whakaatu i ngā whakaaro tika, whakaaro kē, whakaaro ahurei, whakaaro motuhake. Ko te takune o tāna i whakaaro ai, i mārama ai, he wairua Māori tōna.	7–8
(r) Ka whakamahia te reo me ōna tikanga: ko te “tikanga” e kōrerohia nei ko ngā tūmomo āhuatanga o te reo – te piki me te heke o te reo, ngā karawatanga, ngā tūmomo whakatakotoranga, kupu hou, kupu whakaniko, reo-ā-iwi, te reo ōpaki, te reo ōkawa, he pai te rere me te whakahua mai o ngā kupu.	7–8
(k) Ka hāngai pū te kōrero ki te kaupapa, ka whakamahi tētahi kōrero whai hua ahakoa tōna momo, kua raupapa tika i ngā whakaaro. Ka whakamahi ngā āhuatanga o ngā tautohe whakapakepake, whakawhere.	7–8
(t) Ka whakatūhono te kōrero: ko te tuitui i ngā pūkenga, i ngā mōhio, i ngā wheako kia pai ai te whakaatu i te puawaitanga o ōna whakaaro. Ka whakaatu i ngā whakaaro whānui, whakaaro whāiti, whakaaro motuhake i te nuinga o te wā. He wairua Māori tōna.	5–6
(r) Kei te tika te nuinga o ngā kōrero: ko ngā tūmomo āhuatanga o te reo, ngā karawatanga, ngā tūmomo whakatakotoranga, ētahi kupu hou, kupu whakaniko, reo-ā-iwi, te reo ōpaki, te reo ōkawa, he āhua pai te rere me te whakahua mai o ngā kupu i te nuinga o te wā.	5–6
(k) Ka hāngai te nuinga o ngā kōrero ki te kaupapa, kua raupapa tika i te nuinga o ngā whakaaro. Ka whakamahi ētahi o ngā āhuatanga o ngā tautohe whakapakepake, whakawhere.	5–6
(t) Kua tika ētahi o ngā hanga kōrero. Ka whakamahi i ētahi pūkenga whakawhānui, whakawhāiti whakaaro.	3–4
(r) Ka whakamahi i ētahi āhuatanga o te reo, ētahi kupu hou, kupu whakaniko, reo-ā-iwi, ngā karawatanga, ngā whakatakotoranga, hanga korero, i ētahi wā he pai te rere me te whakahua mai o ngā kupu.	3–4
(k) Ka hāngai ētahi o ngā korero ki te kaupapa, ā, kua raupapa tika ētahi o ngā whakaaro.	3–4
Kāore anō kia whakaaro whānui ki tāna i kōrero ai. He nui ngā hapa, kaore hoki i raupapa tika.	2
Kāore he paku taunaki, kaore hoki he wairua Māori. Kaore he whakapātanga ki te kaupapa.	1
Korekau he hua.	0

(T) = _____
(8)(R) = _____
(8)(K) = _____
(8)**NGĀ WHAKATAU IHO:****24**